

寄菴詩鈔



830242

大司

大司

生

生

生

生

寄菴詩鈔序

詩有詩之教焉有詩之學焉詩之教備於三百其學之之法則聖人言之詳矣思無邪學之本也授以政能達使於四方能專對學之用也興觀羣怨事父事君而多識學之益備是矣七十子之徒皆以是學而無一人有傳詩漢之世有傳詩矣不必其人傳也有傳人矣未嘗有集傳也魏晉以下則有專集有總集唐宋及今作者益廣而工者愈多世見其人可以是傳也慕之篤則學之也專辨其科品第其高下索諸神解妙悟徹終身之精力以求之論詩者之言與作詩者之言爲書至繁多不可勝窮然而聖人所已言學者不求也學者所深求聖人未言也是其千秋離合同異正學者所當深思矣寄菴先生有詩若干篇鈔爲一書使象津序之先生於詩第寄焉爾津則直不能詩其源流何人系出何家不能明也於大家名家正宗接武當在何品亦不能知也而先生詩之有本則實能知之先生行已敬恕而居官廉慈是其情性然也披其詩有歡愉之音焉有怫鬱之音焉其所愉愉其與所性合者也所怫怫其與所性違者也或遠

言之或切言之或寄托言之不越斯旨矣惟其所學以聖人之教爲本而有其情性故其爲詩或憂或樂又足以爲教也嘗謂千百世不能無人千百世人不能無性情卽千百世不能無詩然而筆墨言語之工如異蝶金粉竒鳥宮商非不美也何與聖人之大道天下事弊窮則必有所變變窮則必有所返禮弊於周賦弊於漢四六弊於齊梁陳隋八股弊於今日皆失其本而苦其繁且多也惟詩之流最遠然如今世人所求作者論者已不可窮上下計之不及三百年當必有所返矣奚假三百

年更百年後必有豫見其端而顯識其勢者始信斯言之不誤然後眞知先生之詩之所以可傳以其人非世之詩人故其爲詩非世人之詩也嘉慶癸亥三月六日濟南新城張象津序

詩鈔自序

今天下固多詩人矣吾獨惜其果於自是而遂執一說而不變也夫詩之由三百而漢魏而六朝而三唐而兩宋而元且明也此詩之不得不然者也主唐者奴宋祖宋者祧唐本性情則薄聲律言妙悟則鄙議論戶有騷壇人爲盟主而詩家隱若敵國矣今夫天時而景星慶雲和風甘雨時而迅雷疾電烈日狂飈不得謂景星慶雲和風甘雨之爲天而迅雷疾電烈日狂飈之爲非天也今夫海時而風平浪靜舟楫不驚時而山搖水立魚龍震蕩

寄菴詩鈔自序

一

不得謂風平浪靜舟楫不驚者之爲海而山搖水立魚龍震蕩者之爲非海也其於人也亦然今夫人峩冠博帶揖讓雍容人也髭裂髯張誅奸鉏佞亦人也其於詩也何獨不然故曰文無定體詩無定格惟其是而已矣余於詩本無所解然不能執一家之言以終其身始嗜杜繼嗜朱子嗜王孟嗜韋柳繼乃嗜昌黎劍南太白眉山而今乃嗜香山初聞王李格調之言從之入後則奉新城神韻爲圭臬而今乃兼用近人之所謂性靈者居常謂格調中未必有神韻而神韻卽在格調之中神韻中

自有性靈而性靈不能離神韻之外然此亦余一時之見如是老病迫身不能復閉門推敲對客揮霍與世上人爭詩名偶然興到成一二詩日月既久積成卷帙友人中有強余付剞劂者遂聽之其可見於世與否所不計也文王嗜昌歎曾嗜羊棗吾知之劉邕嗜瘡痂以爲有鰕魚味則吾不得而知之矣嘉慶六年五月廿日在武陽自序

寄菴詩鈔

赤霞山房草

東遊草

南歸草

東遊草續

北征草

潭西草

潭西草下

雙琴山房草

抱孫樓草

寄菴詩鈔目錄

西遊草

潭西草續

潭西草續二

潭西草續三

潭西草續四

潭西草續五

潭西草續六

潭西草續七

潭西草續七下

赤霞山房艸

寧州劉大紳

丈人石

褰裳入谷口有石臥谷陰薜蘿同荒寂烟霞共遙
深錫名古人哲慚愧希華簪未敢袍笏拜恐拂孤
隱心

瓊漿

東山一石罇濶五寸餘深六倍之有水旱
澇不涸溢以瓢酌之隨取隨盈余入萃
雲山道經此訪而飲之其味清冽殆如上

赤霞山房艸

一

池之水非人間中冷泉輩可比也因錫以
名曰瓊漿屢欲鐫書其上而未果暇日爲
賦短歌一章

世上多名山我獨萃雲去中道偶然渴隨與瓊漿
遇以手掬在口味乃如甘露祇恐後來人欲飲不
知處

答客問山中

曾爲山中客記得山中路曲折清溪間轉入雲深
處門前有桃花屋後有梅樹今日梅花落君看桃
花去

戲簡蘓元卿

萬松山上酒興豪萬松山下泥塗勞天陰日暮晚
鐘起拂衣長往徒牢騷初出禪院便顛倒山犬野
鳥從旁嘲松杉莫留先生住放我迅疾下山椒蒼
黃未落路旁井黽勉彳亍過小橋小橋前頭路轉
滑健馬踏空時怒號詩翁酒後無人扶眼花足軟
膽氣高途窮不肯哭迴轍山頭老僧漫相招風流
阿戎精神健手援肩負幾折腰扶持不起玉山倒
冠巾鞋襪一齊拋頽然先生在泥底笑看平地掀
波濤盡力拔出坎珂上泥濁不禁點青袍從今仍

赤松山房草

二

返松山上一任山僧語叨叨酣然高臥雙樹下夢
底張燈傾醇醪

虞美人草行

萬物情生復情死死生循環如流水飛潛動植繁
變出剛柔陰陽各有以千花百草顏色多賦形纍
纍太倉米誰教紛紛楚漢間不生丈夫生女子女
子多情亡一劍血碧魂香垂青史垓下帳中悲歌
處風光潭沱染紅紫珠壓腰袂憶舞衣翠微區葉
見墜珥蹙金繡鳳驚披離雕文刻鏤炫旖旎關中
將相流如雲江東子弟去若駛兩地豪傑同歸盡

功名事業等螻螻北邙松柏擢爲薪當年看待薄
於紙心愛手植到於今眼中獨有美人耳花開華
筵競看花花落護惜何能已明歲春還復爛漫二
千餘載似傳屣信是情深受情報於造物外自終
始人生泛梗胡爲乎吁嗟有情真足恃

新田山房

日落清暉遠餘光尚在門挂冠留竹舍散履入松
園歸岫雲無跡穿林月有痕山間真太古此意共
誰論

贈張金門

赤霞山房草

三

千尋喬木棟樑材誰遣年年被放回朋輩相憐時
按劍先生自道只啣杯貧原吾事何關病老豈人
爲不用哀莫向酒酣長拍案黃金此日築高臺

題沈龍山詩稿

絺章繪句盡詩人今見先生自有真嶽峙淵渟凝
體格鸞翔鳳翥奮精神高瞻漢魏從方駕低視齊
梁恥問津官職聲名難並取可憐將老布衣身

登樓山

歷盡層層到上頭登山端不異登樓蒼茫樹木低
殘日空濶風烟隱亂流避客消磨宏景恨依人搖

落仲宣愁今來此處多仙侶翠壁丹崖可久留

龍潭閣

滿路飛花逐碧流武陵多此一漁舟行緣岸上從
黃鳥坐向潭頭數白鷗草色不縈新舊恨溪聲能
洗古今愁柏梁松棟雲中見疑到仙人海上樓

新田山房

山中一夜眠衾冷幾回寤不是春猶寒人間清絕
處

題畫

我向漁磯舉網看灘頭君自逐波寒相將只爲鮮

赤霞山房草

四

魚膾恐有聲名上釣竿

歷城受業朱寧枚人校字

東遊草

寧州劉大紳

田父吟

田父太平日力作安邱園桑麻率婦子牧芻教兒
孫種樹時蔭屋引水直到門友朋無異類伏臘同
鄉村跪拜儀文簡坐作杖履尊性情旣以貴風俗
因之淳感此樂無極窮達安足論

獨坐

靜如退院僧巾履散不著樹影移空階蟬聲止復
作微風動踈簾殘雲度高閣所思適不來一杯聊

東遊草

獨酌

題牟寅同畫

十局棋罷拂鬚起披衣蒼黃素素紙興會淋漓生
風雲頃刻山川在眼底紅塵滾滾車馬頭五湖烟
水何處是橫波之側斷崖下一棹無乃鴟夷子

送友人歸洪洞

長空萬里秋月明寥廓遙聞鴻雁聲中夜舉杯不
成飲驛亭蕭瑟風悲鳴短澗長坂碍車過一鞭落
日寒烟橫人世名利豈韁鎖胡爲久客拚此生門
前悠悠洗耳水知汝永與溪山盟

九月末遊長白山

雲白小九華萬古長如此仙真不可期紅葉三十里

乙巳十一月十四日得家書有未知此間之

語

臣清亦復畏人知布被羊裘兩雪時萬里寄書家未到三年爲令母猶疑弟無置產甘長困兒不成名恐更癡正值此間魚米貴望南空有板輿思

送牟寅同歸棲霞

別離令人老况子新病後大暑凌山川長驅並夜

東遊草

二

晝孤館驚日月荒村恐星宿饑歲無珍羞當壚少重酌子行嘆寂寞我居失左右所喜歸便歸去住無掣肘勉矣加餐飯故園可頤壽

偶詠二首

夢蝶與觀魚婆娑漆園吏著書十萬言了無傲世意

偶然執戟郎是亦爲官耳伴食侏儒間大隱固如此

河水

河水一石六斗泥深有毒龍淺有蛇我民之憂無

已時

道上

車馬喧塵去不遲春雲淡淡雨如絲人家閉戶知
多少牆外梨花向晚時

丙午十月初二日

朝驅車馬迎當道暮整旌旗候上官曠野風吹衣
帶冷深林雪落帽簷寒漫尋古寺焚香坐偶檢遺
經秉燭看便欲名山騎白鹿赤松黃石共眠餐

菊影

秋圃多栽菊經冬尚未殘半窻孤月淡四壁一燈

東遊草

三

寒愛此花無敵能如影亦難似將陶處士墓向畫
圖看

殘菊

莫嫌籬落菊花殘尊酒還須著眼看任教霜凌能
自固幾將枝傲務爲難北窻風力只空借三徑葉
聲猶未乾好伴幽人全晚節笑他羣卉不禁寒

還山

今日方知昨日非還山羞與素心違軟紅塵泥從
新沐虛白光生息舊機蟲臂鼠肝原幻妄蠅頭蝸
角盡稀微鵬搏九萬扶搖上夾起鸞鳩祇自飛

早歲希榮古與稽中年菘韭自澆畦鋤揮明月金
如土劍淬秋霜玉似泥洞口尋人聞吠豹山中學
道聽鳴鷄五城十二樓前客珍重如椽大筆題
自昔胡僧辨劫灰誰將身世爲低徊五侯七貴尋
常盡三萬六千容易來腐鼠有情偏欲嚇浮鷗無
意莫相猜一杯濁酒留人醉正好園花爛漫開
流水桃花幾見春深山久許近爲鄰鶯知晝靜能
啼樹魚愛泉香不擾綸種紙學書隨手抹牽羅補
屋逐時紉棋收柯爛猶荒怪不似逍遙作散人
壯歲長安逐日奔華山歷水傍人門床前拜跪衣

東遊草

四

冠偉堂上傳呼劍履尊朝暮空矜王子舄往來誰
是阮公禪如逢路鬼應相笑指示平生舌尚存
春風一病得歸山北馬南船計日還滿載圖書珍
土物相依琴鶴破愁顏長途旅館容鼯睡細字官
銜聽削削留得本來真面目清風明月袖編爛
楚山楚水反風騷一日須傾百斛醪醉共弟兄情
浩浩篇終風雨樂陶陶回頭大笑官如蠟入眼曾
經利晰臺脫却朝衫仍故我鄉園爲著舊時袍
春波江上見垂繩夏雨池塘亦採菱有母盤餐供
早膳攜兒杖履問晨興人於毛義爲私淑我喜陶

潛可服膺祿養早知多愧忤不須招隱待良朋

曉起看牡丹

幃幔凝輕露闌干度早霞流鶯啼不住檢點昨宵
花

將歸吟

予以病告歸父老乞留者踵相接也不得已作此示之

昔年讀書萬松樓松枝鬱屈如龍虬長風怒號吹
殿角夜半海濤來十洲摩天兩桂屹相向四五百
年森清秋長歌短吟自我輩人間空說萬戶侯有
時散髮從昆弟尋丈人石山之幽亦或友朋無拘
束披襟濯足瓜江流云何一旦自羈縻升斗微祿

東遊草

五

懷牒謀五年猥瑣反招隱銅章墨綬山靈羞朝候
侯門饑欲死暮歸客舍病方休爭先重幣白日獻
留後甘言昏夜求丈夫意氣何落窶對此令人生
百憂今年脫然棄官去如猿出檻鷹出鞲故鄉山
水尚丹碧遠客歸來看白頭古人自欲友稷契盛
世儘可師巢由慚謝此邦諸父老政拙無爲長淹
留况有囊琴可耦鶴不假載石堪壓舟且膏吾車
秣吾馬明朝送我還山陬

宿岱

連床布被已無塵三宿名山夢更真七十二峯同一覺人間尚有未醒人

因園

泰山東下到高樓樓上人非第二流絢爛大名爭附熱蕭條深谷自悲秋當軒尺水魚龍遠繞屋層巒薜荔稠幾卷節山詩集在光芒夜燭滄洲

寄石完璞

東遊草

六

幾度荒城見夕陽逢人慚愧說龔黃八千里外風烟異四十年餘日月忙善病無心重作客浮生有夢但歸鄉多君嗜古顛於我得暇還來舊草堂

中秋夜泛大明湖

湖光如月月如烟痛飲狂歌且放船祇恐朝來驚俗客喧傳昨夜降羣仙

龍泉洞

千尺高巖萬樹林時時洞口老龍吟不知幾夜清秋雨併作寒泉一水深

上女郎山

山爲玉陽子得道處有李中麓施愚山題詠

東行無所適且上女郎山詞客曾遊處仙人此閉
關巖高松子碧殿古薛花斑深洞堪遊衍逃名老
是問

陳仲子墓

齊士陳仲子苦求於陵名匍匐咽井李嘖蹙生鵝
聲當時篡竊輩功利爭相傾誰歎舍千乘類簞食
豆羹孟子論定後伯夷乃獨清千載揖高塚太息
蚯蚓鳴如何六月夜霜氣時縱橫

至新城

三年舊遊地今日重來過停驂百里外隱隱聞謳

東遊草

七

歌城郭未入眼拜跪紛已多張燈高館宴刀俎珍
羞羅夜深百壺盡醉舞屢傴僂次日衆賓集歡騰
浯水波縱橫灑楮墨光彩爭羲娥屈宋才不忝周
孔理無頗我亦抽弱管嬉戲相婆娑所愧才力薄
三舍退則那忽見田間叟盈庭髮皤皤榼筐各有
持舉酒爭笑呵欣喜反痛哭淚下如滂沱農耕不
得雨織婦停機梭所存惟皮骨歲月空蹉跎且飲
杯中酒醉顏期共酹笑謝千金贈忽憶魯連陂遙
遙隔千載豈遂不同科胡爲囊纍纍高載數駱駝
明當從諸子錦秋采菱荷

曉步陳家莊外同龐仁表

一覺鄉村曉聯床厭早眠人家深樹裏山色小樓前
鷺鴨藏秋水蒲菰散宿烟同來橋上望應有釣魚船

贈龐仁表

世人多跼踏吾子獨昂藏骨瘦秋山影心清水月光
有文真菽粟所食半糟糠自古皆如此無爲達者傷

贈李欽符

三年不相見相思如弟兄秋風涼老馬暮雨過新

東遊草

八

城公聞一訪我懽敘如生平雙目尚炯炯白髮何
盈盈城中多君子見之齊相驚此翁杜門久胡爲
城中行信知古道在不爲無官輕風高槐葉落露
下黃花清夢寐到君側今夕來茅衡雨中摘野菜
燈下調鮮羹大兒年紀大偃偻相趨迎次兒好稼
穡能向南畝耕其季男兒子氣象偏崢嶸雖然事
弓矢不喜多談兵諸孫環膝繞曾元粲行成落落
此今世想像惟老更高山有松柏肯向邱陵生孤
桐鳳凰鳥羞與鷄鶩爭所貴忘年友道義相樹撐
相對欲千載伯仲成令名

晨訪王子文秋水亭

朝烟上石橋宿雲停柳樹一夜不見君凌晨到君處人在秋水亭詩如輞川墅南望有商山相約採芝去

晚歸

尚嫌歸興早緩步更清歌北去秋山盡西來返照多牛羊前嶺下鳥雀遠林過莫訝投村晚登臨復幾何

撫山樓爲張漢渡作

樓上傳經吾道昌樓頭放眼意蒼茫齊收南北湖

東遊草

九

山勝分攬東西日月光作賦仲宣空有恨立碑叔子莫徒傷定知千載遙遙後尚識先生舊講堂

西園

高樓歡讌後偶涉更怡顏樹底來涼月墻頭見遠山嘉蔬隨雨長好鳥伴雲閒我亦忘機客園林識此間

撫山樓歌

昔聞五城十二樓金銀縹渺如雲浮天風震蕩海濤起六鰲戴之恐西流山人樓居今亦好百尺結構凌飛鳥樓頭高臥日月閒樓上放眼乾坤小其

後沃野開平田其前喬木摩雲烟中有道德五千
言山人且耕且學仙我聞千里鶴巾車憑軾曾經
名賢闖對此高標出晴昊下撫山背如庭除爲我
百壺買春酒爲我一榻掃塵垢詩人醉客齊臨門
愛我兼能愛我友玉郎豪興不可當牟子掀髯潑
墨強風流還有龐居士張目哆口清且狂其家先
生真儒者不衫不履自大雅高第弟子十九人就
中孫王最瀟灑與我相見值秋風清談暢飲晝夜
同朝登大陵展齒折暮成好賦燈花紅主人好客
嗤趙勝我亦復笑陶宏景三層樓上何高高不許
賓朋上絕頂卽今如到句曲間坐聽松風看鶴還
神仙有無不可信何必遠上蓬萊山

登撫山樓

舉足凌高樓天風相蕩佚逡巡垂二分陋彼雙股
粟下視層山巔飛鳥籠際出方知塵寰中有如處
襴虱達士能曠觀肯徒閉幽室浩歌頻搔首長吟
亦抱膝天上自有人間之語終密

觀王鏡沚作字

驚看筆陣繞雲烟真得君家逸少傳爾紙有書遵
八法免毫作字擲三錢應從道士籠鵝慣莫怪兒

童愛鶯偏空讀淮南招隱賦丹鷄何日始成仙

至新庄

故人家在碧雲邊秋柳蕭蕭隱暮烟馬上看山忘
遠近已隨明月到門前

夜

車馬經秋駐異鄉幽窻又見月明光偶眠猶盡東
南美一室何分上下床寒雁聲聲皆撩夢清砧歷
歷半敲霜家園不是無歸思說與諸君恐斷腸

犬吠

何處聲如豹寒村消息通半窻月色下一樹柳陰

東遊草

十一

中孤客驚幽夢羣鷄逐曉風朝來偏寂寂見慣日
瞳矐

西堂憶王文簡公

尚書歸田後築室青松閣堂前一片石宛對漁洋
山風流今落落但見蒼苔斑秋空明月夜應駕白
鹿還

荆家莊道上

曠野風吹暮雨寒多煩父老問平安此間風俗由
來古不信從前是好官

雨中飲荆家莊

開筵高館慰相思一飲十壺那得辭座客凌雲成
好賦鄰翁冒雨讀新詩當軒槐柳經秋老近水魚
鰕入饌宜正是西風黃菊候還應乘興訪東籬

騎驢

一秋車馬倦驢背趁斜陽短草經蹄滑高風掠耳
長行遲詩易就筆妙畫何妨况是鄉村遠不逢京
兆郎

和王子文見憶之作

乍可相逢酒半温旋聞父老已迎門蕭蕭野徑無
三里淡淡斜陽又一村湖水烟寒行鼓棹籬花秋

東遊草

三

老且停轅詩人悵望登臨處無數飛鴉下曠原

遊錦秋湖

錦秋湖上霜風起遙見空明一片水居人招客乘
輕舟興來一帆欲百里初入蘆荻猶蕭蕭時作兩
聲驚人耳旋轉小港清且漪低頭船尾數魚子枯
荷敗葉東西翻野鳥家雁南北徙此中舊聞鸞鴨
鄰慕容伯業沈水底會城今日空茫茫平邱指點
何處是遙想高風魯仲連長揖千金飛一矢遺祠
野老還駿奔我亦欲弔天下士咫尺却愁來雷雨
未解神靈意墮喜且喜騷人共舳艫湖作墨瀟雲

作紙濡染大筆何淋漓詩成滿湖飛赤鯉如此歡
樂亦無多告爾舟人莫遽艤

會城泊名湖中有仲連祠

由呂家埠至滑溝舟中作

載將離恨入湖陰岸上人家黃葉深直到烟波無
盡處冷然一鼓伯牙琴

細細烟中沙渚微深深水底鯉魚肥一羣花鴨知
人意不肯船頭各自飛

謁三賢祠

魯連不帝秦顏觸不前王三子皆奇士嗚然日月
光轅生漢大儒傳經更煌煌能令吾道在不爲羸

東遊草

三

燼亡錦秋湖水濶露白葭蒼蒼居人識懷古遺像
肅祠堂我生千載後未敢相低昂下拜奠杯酒停
舟水雲鄉

和王子文錦秋懷古

四面蒼烟接素波輕舟一葉快於梭魚龍灣上風
雷動鵝鴨城邊鴻雁過杯酒欲澆轅固塚矢書還
問魯連嗒茫茫弔古情何限秋水詩人寄興多

宿釣月軒贈宋印章

不惜寒村一夜留開軒正對水雲秋知君最愛青
蓮客月落灘頭作釣鉤

宿夏庄

秔稻遙聞十里香也知風景似家鄉道人還有青
山夢一枕霜風入夜長

平邱懷古

野渡寒塘水不流停櫂且上古平州姜初表海風
何大田旣移齊土一邱此處衣冠曾會魯誰人玉
帛肯朝周茫茫千古無窮恨盡向烟波付釣舟

贈牟琴宜

大野風吹湖上波問君別後竟如何年來只畫麒麟
種不信人間凡馬多

東遊草

四

沁水河觀放聞

晴天白日喧風雷雲濤雪浪相轟沓兩岸凌兢不
復渡沁水聞口今日開垂龍震怒老蛟恐鼉鼉潛
逃魚驚衰舟子操楫色如土漁師舉網顏作灰此
地曾經齊魯戰干戈縱橫臨水隈一鼓再鼓氣焰
歇平流細穀相滌洄忽然寒河乍凍日如射萬弩
江潮來自是竒觀未曾有安得慷慨悲歌才玉帶
橋頭高樓上共傾濁酒三百杯

贈于滄巖

當歌仰視霜月寒誰道人間行路難五斗功名一

石酒東山才子西江官得失榮枯如逝水老至不歸胡爲爾却笑七十鬢毛蒼猶爲聞鷄夜半起

題牟琴宜贈四馬圖

孝廉竒才不世用飲酒求仙自恣縱偶然放筆圖雲山泉石樹木皆飛動興來亦貌神駿神注渥種類時奪真駑駘凡馬不着墨行空萬里奔絕塵我昔從事古高苑齊威戲馬大風遠當時霸圖空自張其繼千駟乃偃蹇丈夫得志羞不爲廐中瘦馬供驅馳出入吟詩勝驢背五花九逸均不知孝廉相見忽相笑高骨清齋少光耀一朝戲贈數十匹

東遊草

五

肥瘦短長悉絕妙今晨相見尤豪雄復贈駟馬如遊龍耳削目方胸臆濶膝高臄促蹄生風孝廉未見天廐馬騰霄踏月得師寡何爲一掃盡驂驪頓教曹霸韓幹下太息昨日長白山涕零困餓窮途間賈人索馬論牝牡秃筆磨墨愁心顏我亦文弱不勝駕八極未敢逞晝夜何嘗從君山水間閉目凝神古松下

格孫城

白日蕩平林寒風振古瓦不知何代城零落委荒野松柏餘古邱耕犁及廢社感此多悲懷流水自

西下

爲張慎微題雙桐圖

雙桐種何年踈高難爲狀丹穴有鳳凰棲托鳳所
尚結屋空山中深情寄遙唱

登花山北閣

遊客久不歸四方靡所止東北高樓臺巍然據山
趾旣多素心人憑眺亦復爾還看西南峰蒼茫白
雲起其下多松楸荒墳誰家子自古皆有然賢愚
盡如此人苦不自知戚戚呼天只阮公惟達觀一
醉忘生死虞卿但著書閉門空山裏悲歌旣已殊
畢竟何者是不如且吟詩日暮烟嵐紫

東遊草

六

題李欽符雙檜軒

一檜竦直干烟霄一檜盤鬱離塵囂千林萬樹自
零落雙檜已將百年遙紹興老人八十一習靜中
間閉幽室愛憐不教牛羊傷閱歷任從風霜疾老
人自言年少日庭軒離立如人強老人今老樹亦
老大椿未足論短長直者其材爲世用王侯第宅
資椽棟曲者不材能自全匠石遇之弗見重未識
老人意若何年年歲歲相婆婆莊周肯作欺人語
材不材間所獲多

與長山道士修一

羽客關東歸自言得秘術五年居深山專直如一
日山中有猛虎爪牙利斧鑿洞底有修蛇目光照
石室土人經見慣時亦或股栗羽客十餘人洗心
藏於密晝夜門不關虎羊而蛇蛭自是身意志寧
關物我暱卽今城市間虎虵未可必願如深山中
庶幾保無失

望長白山雪

白雲時覆長白山山色雲光兩不匿昨夜風雪亂
紛紛朝來登樓無所得雲斂日動寒光開清徹肌

東遊草

七

膚沁心臆山中仙人白兔翁此際曠懷誰能識遙
知鶴竚殊清閒不屑閉門枉歎息超然獨自凌其
巔雙瞳炯炯覽八極愧我筋力真尪羸敗履空存
望難卽聞道峯頂有梅花和雪嚼之味奇特又聞
洞底泉潺湲雪後魚杖密如棘我生水陸亦自便
不爲口腹故亟亟有山如此空相看山靈笑我徒
惶惑望海石上高如天四顧寒流萬道逼携杖挈
榼呼吾徒大破愁顏努力陟

雪

客路殊無賴前村訪戴安輕雲生隴首大雪落簷

端深巷餘車轍清江一釣竿西山空有約登眺阻
高寒

留別王子文

已盡湖山與蕭然萬里行於人多有負在汝竟何
成遠送今宵淚相思異日情歌詩非率爾吾亦愛
吾名

時子文爲賦毛詩數章

對雪懷白學海

春寒猶未歸對雪空飲酒忽憶我故人悵然盡數
斗樓高覆層雲巷深蔽踈柳書史一千卷連床齊
肩肘此際心境清展玩消塵垢但當閉門居高臥

東遊草

文

是良偶

見梅花

春回風乍暖客久見何遲故園幾千樹他鄉此一
枝碧雲初出侯素月欲來時夢入羅浮近徘徊自
賦詩

酬石完璞

風雨蕭蕭客舍寒懷人倚遍舊闌干一聲何處雲
中鶴五彩誰家錦上鸞惜別苦傾春酒薄憐才長
剪夜燈殘攜將一卷東遊草歸去低徊馬首看

典衣爲卒寅同北上

仕宦捉襟不見肘朝衫補襖佩印綬病休舉袖餘
清風故人相對祇空手故人別我適京華居無肉
食出無車傾筐倒箒亦何有仰天大笑頭幘斜我
將歸去作漁子暮雨朝烟秋江裏只合輕笠並短
蓑徑欲棄此壯行李近來小吏如神仙綵繪文綺
相新鮮錦江越溪購未足已經三泔寧值錢持去
街頭寔無益去官藏衣類懷璧不如相與換醇醪
酒樓陶然永今夕

伯兄晉菴南歸計程已在漢水舟中矣賦寄
幾向春風折柳枝君歸今日已遲遲遙憐漢水孤

東遊草

九

舟夜尚憶南山獨臥時黃鶴樓中漫作賦清溪洞
底好吟詩還家老母如相問爲道平安無更疑

山朝
齊

讀傅巖溪先生歸滇日記

有官歸不速無官歸亦遲偶披歸滇紀及此風雪
時當年傳巖溪拙宦多遐思一朝賦將母萬里安
足辭同行得仙侶倡和多新詩流連訪山水往往
逢故知嗟余風塵吏解組寒暑移千金脫手盡迢
迢無定期兄弟思慰母後先著綵衣子然此一身
孤館形影依門前高車過廐中羸馬嘶丈夫氣以

短南望空嗟咨何日到閭里重展先生詞

數日寒甚憶伯兄晉菴

阿弟南歸時炎炎日如炙阿兄復南歸萋萋草未
碧朝來猶負暄忽驚暮雪積寒氣侵肌膚降階足
跼踖我處重屋中厚被擁一尺試問孤客舟何能
煖片席人生貴安居胡爲遠作客石田雖無收飢
寒亦不迫有母依高堂東南盼望隔阿弟如早歸
庶可慰晨夕我今還後期阿兄正行役歡樂易以
肥悲憂易以瘠亦知悲傷人造之實無策美酒沽
十千取醉聊自適

東遊草

三

贈冉敬軒

鸞鳳巢穴無鳴鴟大鵬族類殊鷓鴣長風蕩海魚
龍動蝮蛇鯁鱗紛奔逃鄉里小兒不解事鬪鷄走
狗競遊戲達人氣象獨遙深未及十齡便超異天
衢走馬裁詩成滔滔下筆能縱橫令我讀之三嘆
息重語竒字嵌不平前年鍛羽墜泥土翡翠文章
聽棄取秋來驥足騁長途滿眼駑駘那足數丈夫
得志真有時少年如子今不遲何況科名似蠅蚋
古人所重寧在茲家學淵源自洙泗南面巍巍未
易使願子更讀萬卷書願子更行萬里地我今老

向漁樵邊猶能夜夜看龍泉好教千尋寶劍氣射
入斗牛驚不眠

元鶴吟

蒼鷹飽肥肉元鶴飲清泉鷄鶩歡呼顧其侶元鶴
徘徊安能前昔者遠隨浮邱公左鸞右鳳驂雲烟
吁嗟樊籠爾何物主人今如支遁賢一來不返幾
千載清夢猶在巖穴邊雄飛雌逐強自舞顧視六
翮無一全元鶴之肉不可食古琴之木不可然何
不放鶴且學仙崑崙頂上無驚弦

叢祠草木接城陰入室如聞大雅音何事風流成
絕調更無人鼓七絃琴

歌舞喧闐夜未休明星耿耿照高樓當年誰勸中
宵駕民自歡娛宰自愁

杜陵搖落有餘哀高李同登單父臺莫怪詩人空
對酒唐家將相老竒才

俎豆衣冠得典型師儒雅化日蒸蒸平生不喜扶
風容女樂前頭授禮經

韓子雷同苦自羞揚雄仰屋待千秋文章豈爲科
名計莫學人間第二流

東遊草

五

五色光芒大筆椽今人何似古人賢瑤琴一曲松
風過起看奎婁夜燭天

同諸子坐河堤觀麥浪

黃河之水無波瀾行人穩渡居人安萬頃茫茫來
何所小麥大麥盈沙灘兩岸不辨牛馬大中流遙
想魚鳥寬撲面南風拂拂起似聞餌餅香可餐夢
農終歲望一飽今年對此真堪歡第願天晴久不
雨腰鎌枕鋤時相看黃雲穫盡白日暮後饜妻孥
先輸官我亦散髮羣公後柳陰深處移釣竿前頭
篙師泣如堵不道咫尺行舟難

宿韓化南習靜軒中

邃宇深重。中有習靜處。夜半無人聲。花香自來去。

題天台圖和白敬宣

山上桃花傍曉開。競從山下說天台。香風吹落隨流水。祇有仙人伴阮來。

重坐河堤觀麥浪

野雲羃羃風颯颯。村民種麥猶未芟。駕牛重土黃河岸。短轆疾驅勝馬颿。連天波浪如昨日。雄狐不疑狡兔。龜老蛟大魚。匿何所依然。一曲無片帆。柳

東遊草

重

陰深處更清雅。頭戴高笠衣輕衫。分韻題詩摩形似。瀉入胸懷慙不凡。前年橫流夾岸湧。風濤直欲逾層巖。東奔西走汗浹背。喉閉舌卷類重銜。同官大半多俊傑。寸薪不屬交相讒。今年枕席平地上。安瀾萬里歌韶咸。但覺竒幻風景好。嗜好何只殊酸鹹。可惜世無吳介象。鱸膾垂涎空自饑。

客單父石完璞孫嵩峯張致祥再敬軒兄弟
一見過

西望南華是舊遊當年傲吏說莊周升沉於我如
蕉鹿得失從人應馬牛豈有豐碑仍在口但看矮

東遊草

西

屋已低頭諸君一種相思處風雨泥塗倦未休

琴臺夜月

今宵一輪月飛鏡出滄洲樹缺光先到臺高影易
流昔賢曾此戴我輩幾當頭亦欲援琴鼓何人慰
隱憂

雨中飲樓上

風雨聲中暑氣收好攜尊酒上高樓城環短堞浮
雲外樹隱孤亭野渡頭逐隊蒼蠅飛欲盡離羣白
鷺去還留不辭醅酹成泥醉景物依稀已似秋

讀宗臣書偶題

高臺岌業上重霄再拜床前氣盡消萬兩黃金千
歲壽歸來馬上向人驕

賦輸棋

忽聽人家唱凱歌紛紛車馬盡蹉跎傷心一卒勤
王意獨自臨危呼渡河

題畫

城外樓高六月寒仙人手把道書看鳴泉飛瀑聲
聲急譜入琴中向夜彈

送別袁西谷之官

新知未盡歡遠別亦良難速我三杯酒遲君一日
東遊草

室

官窮通原有命悲樂本無端長短亭前柳攀來不
忍看

杞菊齋夜坐

一夜秋風歸涼意在亭樹仙人五銖衣團扇却紈
素露坐銀河旁高吟秘省句回首思炎威避趨實
無具豈知今夕間復此得歡晤夏蟲空爾多殘聲
亦有數

題趙翔翰畫

怪石前頭老竹根斜風細雨幾黃昏芭蕉葉破秋
蘭瘦一種蕭條靜掩門

畦山亭晚步

畫家留粉本在此夕陽前
籬落明秋水亭軒送暮
蟬沉沉高樹影淡淡小山烟
子固歸何處瞻望舊
日船

雨後集畦山亭

朝覽畦山雲暮枕畦山石
畦山無朝暮風雨記前
夕齋上平橋頭新添漲痕
尺脩脩千竿竹一一拭
新碧對此懷抱開且喜萃
三益好韻分小箋妙語
奪前席吟成蝟螳鳴筆擱
蜻蜓積屢賦雖已衰相
從願爲役譬如啖江瑤朶
頤豈不亦却視豆棚間

東遊草

美

尚有舊行跡

風雨

己酉六月三十日開窻納涼始散帙忽聞萬馬空
中嘶半天晦暗色如漆電鞭過處雷鼓從雲氣欲
墮嵩華峯頃刻東西大雨注如黃河瀉聲洶洶蛟
鱷乘勢嘯徒衆鬼怪神靈互相送前村茅屋捲上
天愚民懼伏不敢動朝來起視天宇清依然禽鳥
皆歡聲甘雨慶雲自可樂無爲震怒驚羣生

玉簪花

香風裊裊碧雲侵倚遍闌干自苦吟
任是花開如

白玉搔頭髮短不勝簪

南池看荷花

十丈亭亭華峯頭持作仙人太乙舟海上一去幾
千載野塘夜雨芙蓉秋六六鴛鴦懶不浴幾人學
得採蓮曲垂楊影外花自發一羣魚子啜蘋綠

七夕

填橋鵲羽恨飛遲天上星辰久別離畢竟銀河容
易渡一年一次慰相思

題百蝶圖

一弓風流百蝶魂滕王畫法至今存宮裙刺出剩

東遊草

毛

殘粉歌扇撲來餘舊痕紅杏枝頭春雨落黃花徑
底晚香繁可能重入幽人夢伴爾翩翩飛到故園

秋蝶

回首園林春事非展鬚垂翅與心違深深記得穿
花見冉冉驚從落葉飛蘭不當門香故在菊猶存
徑露初晞腰肢舊日相憐瘦莫怨秋風褪粉衣

贈孫嵩峯

不作窮途恨相逢且賦秋高臺殘雨落老樹斷雲
流短笛君能和狂書我自道蘇門風未遠長嘯興
悠悠

晚夏

牙籤玉軸上塵埃。老眼朦朧慵更開。馴鶴不飛松
子落。前村有客抱琴來。
千章夏木早涼生。修竹叢中屋數楹。記取蕭蕭今
夜雨。芭蕉葉上作秋聲。

題畫

幽蘭抱赤心。修竹挺高節。兩意誰復知。峭石伴清
采。蓮涉秋水深。不可渡。一夜野風開。幽情托毫
素。

東遊草

野望

久雨苦不晴。旣晴亦閑暇。暫出闔市間。便與俗緣
謝。野曠長天垂。風高橫鳥下。雲烟澄且清。松柏低
相亞。偶值行路人。吞聲淚如瀉。微徭無時休。秋霖
傷禾稼。掩耳且苦吟。詩成自慰藉。

中秋對月

微雲綴長空。冰輪駕海出。萬里生寒光。照人肝胆
一。夜夜如今宵。何至黑於漆。歡笑期明年。陰晴未
可必。

遊東臯園

昨夜金樽月下勸痛飲百杯逞雄健今日鐵笛山
頭吹清歌一曲寄幽怨寒蟲泣露秋草衰晴隼擊
霜白雲遠攀蘿緣木升高邱哀樂茫茫百千萬深
林如洞人如仙駕鶴騷鸞亦所願不然曠野叱羣
羊短布單衣學屠販人生適意無不宜安能宦豎
共繾綣羨君瀟洒美少年早向東臯識嘉遯飲我
旨酒招我詩熙然羣從相揖遜老夫醉後無所爲
笑看蠻觸競尺寸

和龐仁表登岱觀日出之作

夜半天門擁虎罷憑凌絕頂攬雄奇雲排山石氣

東遊草

元

昏暗日破海濤光陸離不睨眼空齊魯界如椽筆
抹漢唐碑昔年我亦曾三宿似此高狂未易追

和劉雨蒼

雨中烟樹似春山况有幽人在此間酒釀甘泉香
易冽詩成好句字難刪縱然秋至多悲興不覺愁
消一破顏市井小兒空自大雙扉知汝畫常關

贈韋叔太

唐有詩人韋蘇州神味天然不可求落葉空山絕
行跡強欲和之非其儔韋生韋生最後起詩學亦
能窺源流蘓州五字生七字有如蘭菊分春秋大

河南北富家子醉擁美人彈箏篌韋生何事不前
染獨於聲韻相研搜遙想百川灌河日蛟龍鼉鼉
齊嬉遊直登高阜視秘怪千變萬態胸中收霜降
水平一何肅篙師擊楫杼清謳兩岸榮光旦暮發
生亦簑笠乘小舟河伯馮夷力相助如此詩囊豈
澁羞我昔與君賦麥浪其氣渾灑吞千牛東臯園
林分險韻山飛水立思未休世人賤今只貴古聲
名寂寂誰相投九重丹霄鶴一唳半壁蛩韻空悠
悠一字師名我何敢安得此間稱章劉

九日爲孫儼若作

東遊草

三

桓温宴客龍山上九日風高旌旗颺衆軍落帽人
不知千秋故事遙相望杜陵老子偏悲秋正冠短
髮祇自羞醉把茱萸興未足玉山藍水長淹留嗟
我離家已七載所喜鄉音尚未改登高作賦思古
人畢竟於今復誰在感君意氣爲君歌一年佳節
原無多上已重陽難虛度不飲不醉將如何况是
同來盡雄傑氣猛才豪可屈鐵明年此會能幾人
采菊題糕恐嗚咽

袁正思邀看菊

李唐以來不嗜菊有能種之駭俗目袁生生長富

貴家九月幽香滿重屋我愛菊花如愛身又如交
遊得賢人巾車不待遠相迂鷄鳴策杖難及晨開
瓊洞庭春色碧對酒陶然盡一石夜半涼氣侵肌
膚繼燭尚能移前席入林不密山不深秋容幾許
謾追尋轉眼春風苦多事花開遍地如散金袁生
袁生慎莫誤剩葉殘枝力爲護重門晝夜局不開
一任黃花明年妒

詩黃花
如散金

和龐仁表謝孫嵩峯贈葫蘆歌

新城葫蘆不長柄中有虹光月相映龐生登岱繫
在腰半夜狂歌上絕憂一輪擁出滄海東霞光萬

東遊草

三

道扶桑紅日觀峯頭忽大叫驚倒山下百歲翁才
豪氣健脚力猛望海石邊石飛動偶然濶落無所
容忽分兩半走丹汞詩材檢點收一瓢黃河北岸
秋蕭蕭風平浪靜待安渡兩手欲掬鯨鯢濤蘇門
高士亦脫俗十日相留尚未足家有仙人日月壺
慷慨持贈勝金玉龐生得之如得朋海外神山將
遍登吾師乞與不死藥白晝生羽齊飛騰我聞上
天多拔宅令人古人或什伯好携全家入其中依
樣文章讓俗客

步米山房歌爲石完璞作

步米山房大於斗石子自譽不絕口欵段下澤曾
來遊署門今人已未有羨易海嶽自有癖計攫龜
山願爲役惜哉未得御屏書便汚袍袖究奚益

韋布衣饋魚

大魚生長黃河底晝夜遊戲黃河水手無網罟安
所施庖人聒耳侈膾美岸旁居住漁家能折鈎斷
罟拋機罾短籃長竿執其柄循岸上下如相承有
布衣交曰韋韞其宅去河五里近貧無百錢質衣
裳必河之鯉以先醞嚴霜九月清晨寒羊裘氈笠
趨走看撥刺籠中見卽喜貫柳尺半供晚餐失水

東遊草

三十一

平地猶將飛吐口雲烟倏然起疑是神物仙人乘
不然遺書河伯使大儒聞饋麾不收作客饗殮須
友謀竟作饗饗實可鄙聊充口腹繫旨饒細剖之
而斫丙乙鬚鬣腸尾碎不恤月望腦滿秋夜肥甌
魚鼎烹脔腹疾已入鹽梅調和鮮漫下豆豉香味
全薦以冰盤夾以筋未曾到口先流涎細吞大嚼
各任意意雪醇醪佐熟糖笑他苦酒多事澆由我
飽食復沈醉却憶故園鷄豚歡住此累人同猪肝
今夕愁腸減大半不虛一載留河干

夜坐步米山房

相對陶然已盡歡清言絡繹臭如蘭秋風盡處桐
枝老霜月高時菊影寒河水遠從千里折家山遙
在五雲端懸知他日傷心事消遣石樓今夜難

曉由石家樓至青坭

風吹雁影過河干信宿山房菊未殘又到白雲紅
樹裏岑樓高處碧窻寒

綠玉菊歌

昔有仙人朱孺子采菊玉笥山上頭延年身輕入
蓬島千年重何人間遊手持九節綠玉杖上有瑤
函不可求一朝痛飲黃河曲寒香晚花豁倦眸林

東遊草

三

園二百四十種四顧嘆其名盡浮仙人去後杖擲
地今年一樹開深秋短歌微吟正夜半起視霜月
當高樓

菊影

下簾光不搖入夜意偏靜何似定中僧留此面壁
影

東臯園遲諸子

夕烟散平楚歸鳥呼其羣登高望四野遠近皆浮
雲相思不相見落葉空紛紛

再遊東臯園

已爲黃花忙一秋乘閒又向此中遊
舊燒楓葉餘痕在新
劃苔紋有韻留詞客
少年皆雅健賦家老氣倍豪邁
試看多少驚人句散作彩雲天上頭

東臯園晚眺

眺望今何晚山林興不違
人從虛市返鳥背夕陽飛
迥野低平楚前峯落翠微
無爲羞日暮歸去臥牛衣

趙雋琢以赤白文私印爲壽歌以謝之並求

鐫雙琴山房字

長安賈人不識字五指持刀坐肆市
青田纍纍軟

東遊草

五

如泥刻劃淺浮自得意貧兒暴富誇姓名
投以十錢趨相迎陽白陰赤總顛倒
左回右旋無分明大篆小篆古所重
繆篆今於印章用前則李斯後陽冰
此外紛紛是聚訟秦玉漢銅流人間
開合變化心手閑土埋年深半缺蝕
苔蘚剝落生花斑不容點畫僞作古
如何偏旁失所祖自是胸無一卷書
俗氣橫陳豈足取趙生家世本儒素
臨池往往得佳趣初學率更後真卿
永興河南亦奔赴以此餘事爲雕鐫
百鬼哭夜粟雨天第得方寸石頭在
勝於斗大金印懸我生四十有三載
浩瀚六書直淵

海手弱筆拙強塗鴉龜螭盤結之光彩一朝相遺
四瓊瑤珍重什襲生絳綃十字錯落墜星斗萬丈
光芒干烟霄野人名字恐湮沒信手書空每咄咄
長生不死終何爲壽之以此未可忽白玉杵曰研
丹砂和以珠璣如雲霞橫幅抹成壓紐重長篇補
就齊縫斜聲價居然增十倍從今貫組終身佩更
有雙琴小山房追之琢之相煩再

調仁表

放膽高歌到五更山東潦倒一書生星辰落盡風
雷響十里人家夢不成

東遊草

在青堦答高怡亭

半夜寒風吹積雪夢入東臯踏玉屑平明車馬發
青堦車覆馬逸人不悟丹楓樹底絲竹聲迴塘一
片斜陽明白石床上落棋子月光不定棲鴉驚山
水烟雲日日有只恐蒼藤化龍走橫風立兩飛上
天使我不得坐飲酒寄詩促數膠續絃悲歡離合
非偶然冷日咫尺猶如此何況我家八千里

冬菊

漸次成冬風雪嚴殘枝撐拄不曾嫌如真隱士窮
逾固似故將軍力倍兼送酒人來宜鶴擎餐英客

至怯晶簾時時寒月還相照滅盡秋容試更添

劉聲宏贈詩

忽訝雙魚尺素傳夜明珠子走盤圓歸裝此去謗
鄉里又得曹風十一篇

雪

昨夜北風多燃爐塞戶宿朝來寒意添開門雪在
目萬彙色不殊寧與物相逐高士恥千人僵然臥
茅屋我今實何爲未卽老空谷遠眺黃河流魚龍
已屈伏

謝袁世符贈板橋畫松

東遊草

美

山中野人種松樹跨巖架壑不知數朝看空谷皆
龍蛟夜聽虛簷有風雨板橋何日揮禿毫逕丈其
勢參天高緘滕不放通靈去猶能枕上飛秋濤哀
生寶此四十載半世高歌忘凍餒黃河岸決水滔
滔漂盡田廬喜畫在去年持贈荒城隅似挾畢宏
韋偃俱我無杜甫好詩句縱然神妙空嗟吁載歸
張之舊茅屋萬樹千林讓此獨報詩今已遲年餘
偃蹇難於賦衆木

石鷹歌

天陰殺氣滿穹屋狐兔驚奔鶉鴝伏平原萬里皆

秋風石鷹何年出幽谷頂毛如角喙如鈎雙睛炯
炯顧視肅深山曠野凡鳥多不飛不鳴意何屬豈
是百中羞爭能天生神武貴不黷踴躍幾許下韞
雄盡是卵殼羽毛族虞人獵馬張弓弦風生火出
相馳逐嗚乎石鷹鷹不如紛紛逞強食弱肉

對蠟梅作

濟陰人家植黃梅十樹五樹紛紛開愛惜勝於孤
山種不知世有調羹材我亦幾回對此樹太息真
如黃金布安得鎔鑄輸與官省却窮民賣婦孺

雪後東臯園賦詩效歐陽禁體

東遊草

三

平林漠漠鳥羽倦大雪紛紛撲人面快霽東臯遊
興添淺淡深濃待後絢寒泉幽隱童山移圯橋虧
蔽枯木變都無缺陷趣少佳誰爲雕鐫技盡善降
登祇惜腰力微顧盼還愁目光眩重尋曲几將壺
樽試掃方床置筆硯鋪張腕底皆腐陳憂造胸中
少精鍊凍口一噓誰發端號令森嚴醉翁擅其後
穉髯老門生寸鐵不持慣白戰二公已往將何爲
師潰專待強者殿糠粃自古原在前又如先雪集

雜霰

花塢漫興

五侯賓客紫貂溫野老惟知負日暄樹種蠟梅娛
暮歲春來花塢想山村相看不作繁華態且喜都
無刻劃痕可笑神仙殿七七牡丹開遍貴人門

回籍咨文已到石完璞爲詩慰留用答其意

兼留別諸子

一身輕若葉所喜是無官日日酣醇酒家家勸晚
餐人情如許厚我意復何干蹈海真奇士千金脫
屣看

歸期今有日諸子又攀轅遠別詩難就多情淚易
吞官皆爲父母汝豈患饜殮不負蒼生望虛詞亦

東遊草

太繁

焚榿臺遺愛圖

三年安拙是無才印板歌謠何處來不待旁人評
月旦微風一炬早成灰

贈白家僕

詩人酒客盡狂夫有此鬚頭赤足無殘雪梅邊如
作畫試添驢後背花奴

水仙花

清泉白石夜凝香六出亭亭冰雪光一舫月明人
不見江干無際水茫茫

東遊草寄菴先生之詩也先生遊東仕也詩得毋
廢仕乎曰不然先生仕於東者幾年病而客者
又幾年其仕也以道遠不能迎養 太夫人惟
兄晉菴先生偕三年其弟始携其子奉 太夫人
命來勗先生先生望雲思親中不能已偶有所作
北山詩人之志也其後以病去官貧未能卽歸東
之人不忘先生也時相問遺或延至家就醫藥先
生調攝之餘無所事事又無他嗜好乃相與臨水
登山擘箋分韻故得詩爲多先生歸道出楚山黔
水之間是亦可以作西陵石也乃爲先生謀之梓
亦非先生志也乾隆己酉九月曹南孫宗溥

南歸草

寧州劉大紳

南歸過大寨

居然衣錦晝還鄉，祖道羣黎却斷腸。
自是前賢風化久，何曾三載竟循良。

白茅道上

扶鳩騎竹遠迎將，又到白茅十二莊。
尚記從前折腰日，雄風半夜捲沙狂。

別馬興家

白月黃沙又一程，風餐露宿弱書生。
老夫前政殊

南歸草

無似莫更殷勤唱渭城

黃河南岸賦別諸故人

看君南望復傷神，予亦啼痕無舊新。
最苦黃河春水淺，烟波不隔送行人。

和冉敬軒賦黃河

黃河穩渡值安瀾，已是人間一大觀。
源導崑崙來塞外，精爲銀漢在雲端。
中流出沒魚龍遠，兩岸升沉日月寒。
東下馮夷還自小，望洋又見海波寬。

登汴梁城樓

城樓飛鳥外，客到眼爲開。
天地同空濶，古今相去

來梁園餘瓦礫宋嶽盡塵埃擾擾成何事勞勞亦可哀

吹臺

平臺四面盡垂楊半似漢年依夕陽雪賦形容猶記謝兔園憑眺不思梁少陵太白誰爲主北地信陽堪自傷千載詩人同寂寞無由下拜五賢堂

繁塔

往日梁園已就荒至今人說漢文章馬遲枚速自千古燕麥兔葵同夕陽小劫消殘大王苑末流開創老僧房浮圖三級真幽怪憑仗誰通一線光

南歸草

二

謁禹廟擬題壁

洪河河伯不仁哉濁浪滔滔不可迴後代踈虞沉白馬先人隱痛化黃能八年底績懸壺過萬古安流杭葦來偏是忠臣孤憤在臨危呼渡自悲哀

夷門

平原公子亦好客秦人虎狼褫其魄邯鄲圍急藉婚姻夷門老翁有籌畫如姬能竊魏王符朱亥可奪晉鄙軍高祖箕踞好嫚罵太牢且祀信陵君

朱亥里

朱亥尋常鼓刀人公子好客不爲賓袖中錐出將

軍死眼底早已無強秦至今人弔當日里乃知英雄在屠市馮鋏毛錐胡爲乎荆卿提劍過易水

束車

輕車顧就整行裝土物猶存兩巨箱饋遺詩篇金玉重徵求畫軸貝珠光葛洪無此新家具疏廣輸余有宦囊况是承明曾謁帝早裁雲錦作衣裳

和答諸子汴梁城送別

長亭折柳自嫌疏送過黃河百里餘坐月中宵同聽雁看碑古寺共騎驢三春花鳥迎歸路兩字平安待報書南望鄉園今漸近不須天末更愁余

南歸草

三

朱仙鎮謁苦忠武廟

河北蒼生望義旗金牌十二促班師君王自主和戎策宰相兼營賣國私諸葛艱難同有命子儀功業竟無期平生祇識精忠字敢說將軍在外時

南陽臥龍岡謁武侯祠

晨登南陽廬日入還倚徙緬懷諸葛君涕泣不能已躬耕吟梁父直將農夫耳昭烈三顧之馳驅爲漢死堂堂出師表丞相行其是蘆古隴畝間惟可莘野儼今來多荷鉏繫誰直名士

桃源雜咏

春水迷仙源仙人傍溪住年年三月花流出不知
數仙人溪

洲前有大魚漁人捕入市如何纜其船會看桃花
水纜船洲

遊飛雲巖

萬古濛濛雨乍止雲氣作石鞭不起仙人騎鶴下
玉京相將攜手遊太清拂袖雲從巖上出擲杖雲
從巖下生雄樓傑閣亦無數隱隱似在雲深處但
聞木末清磬聲耳邊冷然自來去下有勺水甘且
寒云是雲根起波瀾仙人爲我敲石火共試天上
小龍團方今四海盡樂土麥隴稻田甘霖普不須
更藉巖前雲去作人間旱歲雨

家齡自滇來尋遇於黔道上

自汝歸家後常愁汝復來別離經會合歡樂雜悲
哀巖險鷹難渡天低雨不開從知慈母慮不獨望
兒回

清溪洞

遠行春已盡今始至吾南山勢漸平衍溪流且清
涵林麓蔭洞穴空濶萬彙含靈物形能似神工奇
可探或如峯巒聳或如室廬耽或如鸞鶴翥神仙

之所驂或如獅象蹲蒲團坐瞿曇指名未能罄十
或遺二三第卽目所見已足供清談惜哉彼釋氏
鄙陋不自慚面目肆擁塞指顧恣愚憨譬如佛頭
上着糞情何堪誰爲還其故祇許貯烟嵐山靈應
且喜吾亦遊興酣

哭沈龍山

一代風流盡千秋亦感傷斯人原不偶於我最難
忘萬卷歸何所一編聊復藏龍山新塚合鴉影對
斜陽

上華蓋山看茶花

南歸草

五

少日讀書樓歸來尚可遊猩紅花在眼斑白髮盈
頭詞客幾同盡仙人不少留山僧無所苦猶說舊
風流

宿玉泉山

昏黑才能到中宵亦自閒巖雲壓高屋澗水響空
山粗穢時刊落清虛共往還瀟然成一覺不復是
人間

曉起

曉起月在嶺照見竹間露山鳥不知寒啼聲出遠
樹

山中問梅花

山上白雲合，遮却山下路。
幽人宅其中，種梅不一樹。
我來花漸開，雪霽甘寢處。
寒月上窻虛，起視天未曙。
空際雁一聲，徘徊向北去。

過三台山

古寺日亭午，逢僧得暫止。
樹底聽鷄聲，巖蜂亦喧起。
山靜多閑人，心清盡妙理。
門前卽大道，咫尺不如此。

香巖閣

漫遊方六月，不見木樨開。
高閣深巖裏，幽香何處來。

南歸草

六

來

宿冷水溝

前途猶苦熱，高閣已生寒。
雲氣迴虛牖，泉聲瀉曲欄。
僧嫌鐘鼓暗，客怯枕衾單。
一覺天將曉，疏窗月影殘。

寓大新橋僧寺

山僧喜靜默，對之如獨處。
半日無言說，空中有鈴語。

東遊草續

寧州劉大紳

遊長白山

不惜登山脚高峰此一往好爲驚人詩長答天風響

山中一澗水萬古發清響臥聽盤石間娟娟夕月上

醴泉寺

淳泓盈一池酌飲甘如醴莫道山中泉不及山外水

東遊草續

曾撫誌公碑鳥爪亦可喜今來忘婆娑祇拜范老子

長白山樓晚眺

客思轉悠悠登臨已是秋孤峯留落日遠樹隱歸舟
帝闕真高迥家鄉正阻修村農方對飲歡笑不知愁

夜中聞王子文吟詩

王郎夜半吟不眠收拾山水羅雲烟一燭萬丈光
橫天河漢無聲北斗偏起視山月南山巔世上兒
子紛萬千長白山色自年年讀書范公誠大賢入

山拜公爭相先美人雜坐陳管絃銀罍玉盞吞醴
泉長歌大書揮金箋豐碑屹立深鑱鏘安得大力
拖長纆倒曳橫磨徹中邊勒我王郎此大篇名山
面目還新鮮西聽澗水聲潺潺

遊黃花山寺

羣山力相軋到此亦無爭樓閣空中出烟雲澗處
行細泉涵曉色老樹作秋聲不待黃花發超然已
忘情

遊柳菴

山中白雲留信宿道人遊興尚未足朝來欲過山

東遊草續

二

之東涼笠輕衫杖筇竹瑯琊王子真詩人登高作
賦如有神吾兒好弄不執筆亦欲追隨出風塵飄
然遂到絕勝處柳家菴子共小住摩訶山色當高
樓仙人招我我欲去下望滄溟雲氣空三千弱水
一帆風富貴功名棄如屣羨門老子真英雄惜哉
我無雙羽翰登峯兩足愁蹣跚摩訶咫尺不能到
何能壺嶠求大丹呼兒爲我酌美酒漢武秦皇竟
何有吾將明日歸草廬休教神仙誤白首

登柳菴北閣望摩訶峯

燒殘樓閣故依依南望秋山興不違曲澗寒多水

雪早深巖路暗網羅稀峯頭孤塔高僧定山半行
雲野馬飛恨不此身生羽翼摩訶頂上送斜暉

過王舍莊弔李滄溟

鵲華山色峙秋陰白雪高樓不可尋一代才名爭
頻首百年訾議少平心已無通子愁難盡未嫁樊
姬恨轉深祇惜四溟真國士如何中道棄遺簪

龍洞山中

踏破層巒始見竒人間不信有如斯飛來巖壑神
鰲戴幻出樓臺海蜃吹雲氣東西分向背風聲上
下判雄雌名流盡好佳山水幾輩全家向此移

東遊草續

三

四面青山盡削成千尋峭拔入秋清懸崖老樹憑
風怒深洞蒼龍挾雨行鳥過重巖雙羽倦人臨福
地一身輕最憐高處寒偏早紅葉黃花世已驚
看山解道山如畫祇恐名山畫不如曲徑高危成
險絕小亭孤子出空虛雲間遊戲皆仙物穴裏珍
藏有異書我向夢中曾到此今來不似杖筇初
曾聞海上有神山縹緲虛無未可扳自幸餘生容
笑傲相從此處受清閑高瞻人在半天上下看雲
行平地間縱不登仙遊入極明朝且莫駕車還

遊龍洞戲題

畫向名山遊目與名山謀夜傍名山宿神與名山
逐名山亦喜我輩狂登峯探穴恣飛揚精神意氣
發尤怪長歌短吟各擅長我聞世上有畫史解衣
磅礴得妙理願將我輩五六人置之丹崖翠壑裏
九月清寒披羊裘負薪拾金羞名流山麓三間草
亭子容我中間賦窮愁秋水詩人露兩肘跂足聳
肩不义手宜在夕陽紅葉間右丞襄陽是尚友吾
弟吾兒樂何如吾弟雅雅兒魚魚青泉白石登山
路貌此兩人騎蹇驢其餘一人囊負背詩草縱橫
納其內一人大靴跨腰間磊磊落落無俗態山僧

或寫禹穴中喃喃毒語咒蟄龍幽禽野鳥無彈射
飛鳴宿食狀從容獨有濟南好名士意匠經營何
所儗百尺巖上有高亭氣度襟懷差相似如此一
一傳其神今人或可追古人祇恐丹青無好手橫
塗亂抹失天直本來面目一朝改丈夫鬚眉竟何
在不如我記與我詩設色圖障勝十倍吁嗟我思
李龍眠摹得蘓髯並米顛畫師有數不可遇吾徒
胡爲後百年

半生愛遊山山靈不我怒禹穴興旣終佛峪意所

慕提攜到山巔僧居伴雲住登高嘯秋風倚石觀
瀑布勝遊安可窮神仙杳難遇吁嗟此山中大儒
讀書處窮巖有幽泉一勺涓涓注旁鐫林汲名天
壤久已著乃知地與人相成莫相誤不見鈐山堂
過之無人顧以此深自省行藏安吾素落日山房
中第看紅葉樹

自題濟南客舍

自信曾居小洞天謫來猶得近林泉庭軒蘊藉依
名士杖履蕭疎是散仙賓客清宵分韻坐兒童白
晝挾書取明朝我欲看山去只少囊中買酒錢

東遊草續

五

謁鐵公祠

鐵公祠畔起高臺夜夜遊人載酒來橫笛短簫空
有恨秋風落日獨生哀艱難已是前朝事險阻終
憐濟世才千古英雄同灑淚湖山好句不須裁

遊歷下亭

一舫曾經此地遊湖光月影共悠悠輕帆短楫重
呼渡衰柳斜陽又倚樓海右古亭餘敗瓦濟南名
士剩荒邱詩家誰續漁洋社悵望西風水北流

感秋

宿雨寒侵酒力微蘆花空學薄棉飛空山短褐吾

將老多少蒼生未授衣

脫却輕裘付酒家當年意氣亦豪奢山中不養紅
鬢爾莫怨霜辰尚著紗

九日登高不與

超然亦自愛崇臺此日何因怯去來白眼不堪高
處望黃花直是客中開臨風有唱羞頻落題字無
糕讓別裁且喜故人相對飲村醪一醉莫停杯

送王子文重遊泰山兼呈徐惕菴太守

昔年我上泰山巔下瞰歸雲如樓船中有一人衣
鶴氅謂我癯瘦宜學仙我亦願棄人間事萬里神

東遊草續

六

霄共遊戲丹鸞垂翅墮青冥十丈緇塵無處辟嗟
爾王子與何豪七十二峯重遊遨一身行李祇詩
卷半世功名如羽毛顧我猶爲在笈鳳羨汝已作
遊仙夢青松粒粒雲茫茫赤鯉可乘鶴可控我有
好友狂且癡此行應和登岱詩不教山靈厭生客
還喜太守成新知爲我偃僂納手版五斗折腰顏
色報明年若得再休官同上天門放老眼

登鄒平北閣

又逐高軒客輕車過此間秋風黃葉樹落日白雲
山行路人將老登樓我暫閒下看南去鳥未倦已

知還

月夜登桓臺高處

春雪未消月未落乘夜高矚興不惡山川幻滅烟
靄空如駕方舟向海若西南極目長白峯萬丈寒
光得大畧青霄條忽來片雲疑有仙人跨黃鶴遙
聞唾咳珠玉生金石歌聲競相作蠶尾山房石帆
亭前輩風流宛如昨平生亦識名勝遊洞壑林巒
健雙腳雜然坐我塵囂中今夕幾同償夙諾天鷄
矚爾無先鳴好待城頭罷宵柝

重過撫山樓憶張漢渡

東遊草

七

無猜鷗鳥舊同盟避暑重來自不驚雲裏山山皆
雨意風前樹樹盡秋聲全消大道塵埃狀半似仙
家離合情祇惜講堂人去遠未能靜夜叩鐘鳴

宿魚龍灣得雨

麥餅香流釜餽清偶歌雲漢亦愁生魚龍灣上風
雷夜臥聽湖鄉作雨聲

憶登岱

登岱已知天下小未知天上竟如何他年得到崑
崙頂好放雙眸看大羅

對棋

槐陰如蓋雨如絲儘許閑消一局棋祇是忙人休
着眼恐妨柯爛又多時

老将

刀瘢隱隱箭痕多百戰歸來志未磨若輩封侯如
李蔡當年薦士只蕭何燈前拔劍星光動醉後張
弦鳥影過舊騎悞聞金鼓響據鞍還憶老廉頗

城頭看落日歌

七月初六日

百雉城頭看落日大如車輪去何疾須臾倒影失
空青勃鬱紫光迸飛出東南雲氣竒爲峯嵯峨陸
離幾千重西北晴霞散成綺疑駕彩鸞驅赤龍頃

東遊草續

八

刻雲收霞亦斂半天紅爐火閃閃直教海水鏤丹
砂傾向層霄未能染城脚下視烏鴉歸隻隻背上
金色飛晚景如斯自可樂豈必崑崙馳斜暉造父
停鞭聽吾語汝縱欲追何處去銀河淺淺朱樓深
又見踈星度牛女

對棋

暑氣收高閣棋聲出小几進退無矜心後先得妙
理厥初幾忘言悄然但著子繼乃發長嘯勢欲拍
案起正如吟詩人詩成忽狂喜一局旣已終寸心
復如水徐徐下庭階樹影移日晷

白秋海棠

紅紫春深作雨飛，清秋庭院玉人歸。
珊瑚一副神仙骨，不向風塵卸白衣。

鶴

本自仙人馭，如何墮此間。
唳難偕俗耳，夢祇到空山。
在筴真凡鳥，乘軒亦厚顏。
梅花香未老，振鬣早飛還。

城上

登臨豈是愛斜曛，自惜丁夫力作勤。
繞堞殘花黃似菊，當樓晚照紫爲雲。
城堅無計憑狐黨，縣小何年集鳳羣。
版築亦知通帝夢，勞歌此日不堪聞。

東遊草續

九

晚望

雨氣澄空明天光，淨渣滓青峭西南峯。
芙蓉在秋水

西園雜詠四首

繡苔

豁然開雙扉，到門客不速。
昨夜風雨中，苔痕一道綠。

酌古堂

云何是名士，讀書痛飲酒。
拄腹無五千，彼哉未足

友

釣月廬

月色來空虛無處著渣滓結廬傍城隅乃如在秋水

鶴步

鷄鶩人間多當年獨鶴步顧影曾相憐亭亭梧

樹

懷東臯園舊遊

隱隱星河沒畫欄美人千里共追歡三更絲竹催新詠一載園林住舊官此日愁思強自慰他年遠

東遊草續

十

去恨無端始知情是相忘好每到深時賦別難

東東臯園諸故人

風送黃河一片雲遙遙不獨我思君到門車馬經年別入夢笙簫隔座聞犢口上流空自好龍頭前席未曾分衙齋依舊清如水得暇來看近著文

思家

思家望月影沉沉夜漏迢迢恨轉深白髮孤燈遊子淚青山萬里故人心分甘此地初裁俸借隱經年獨鼓琴多少賦歸門下客愁腸未敢苦呻吟

寄張金門

消沈歲月老青衫爲問謗書今幾函士重虛名門
可閉人嫌清議口宜緘不緣旌帛來莘野誰識鹽
梅在傳巖總角論交餘白首如君合授隱君銜

懷萃雲山中

青峯高處白雲深上有仙人自鼓琴殘月如新會
共照秋花未落尚成林丹還已是微茫事酒熟終
勞纒縷心百歲康強餘鶴髮年年招隱費沉吟

王子文至自都中

三月長安翫物華一朝風雨返輕車問君何事歸
來早秋水亭前看藕花

東遊草續

十一

寄石完璞

餞別青春曉懷思亦已秋風聲來木葉星影入河
流種菊時開徑抄書不下樓傳聞今臥病偶托興
悠悠

爲朱敎人題王餘人先生畫卷

朱生瑯琊高弟子服勤師門有終始流傳大業先
文章愛惜餘事及山水携來一幅過眼稀牙籤玉
軸生光輝六法茫然我無似嘗騰但見烟雲飛畫
史從來易局促設色工妍未免俗先生縱橫皆自
由故是胸次忘榮辱市兒却笑先生窮眼中只有

田舍翁試想解衣磅礴處當年意氣何豪雄一自
騎鯨上帝側粉本神山世莫測芙蓉白玉高樓中
大笑掀髯亂潑墨我今猶是地行仙未能碧落揮
長箋細看平生得意作已如坐我三島邊擊節高
歌亦自喜富貴百年頃刻耳還君此畫君珍之君
之先生固未死

中秋對月

空庭露坐夜生寒落葉飛鴉點畫闌處世亦知人
臃腫離家又見月團圓半生情向絃中寄萬里光
分醉後看一曲霓裳何處聽仙風吹送白雲端

東遊草續

七

出門

半夜聞鷄鳴孤燈坐待曙開門視天色涼月在庭
樹

贈僧

食肉飲美酒自號僧中狂忽然持戒律已入選佛
場秦箏棄不撥晉塵能自張相見驚問訊一別何
茫茫歡會各有以精進未可量笑我入世人兩鬢
愈就蒼白雲山蠹蟲盤泉水洋洋迴首浩歌處餘
音空繞梁

題徐西溪作一藕一葉二圖

太華峯頭仙路賒君曾衣袖染烟霞携來玉井如
船藕不少亭亭十丈花

九月風霜湖水寒夕陽留客倚闌干采蓮兒女歸
船遠剩有蕭蕭一葉看

菊影

黃花秋晚清於鶴素影宵分寂似僧面壁相看人
不寐書帷淡淡短檠燈

吳耳山過

就臥鐘爲度喧傳有客尋故人驚別久鄉語忘更
深落月辭高樹棲鴉戀舊林羨君歸去好慚愧再

東遊草續

三

來心

吳春圃自太學歸爲親壽道過新城賦寄

太學學生賦歸去裘馬翩躚盛徒御濟南攬轡初
雪晴遠道迂廻過荒署自言五載離庭幃家鄉萬
里音問稀逕欲鱸堂率弟子戲陳五色斑斕衣人
生遠遊空奔走列鼎鳴鐘竟何有不如鷄豚逮親
存猶得歡然酌大斗羨君歸及榴花明薰風一曲
仙樂鳴雙御板輿細行樂江魚盈尺江水清我母
君母內兄弟堂北稱觥庶相詣明年我亦思解官
從聽笙簧繞梁櫪

賦除夕分得里字

臘月三十日年光去如矢守歲直徒然賦詩胡爲爾何況非今宵明宵乃真是多應強苦留先日或能止亦恐詩不成一字兩年耳情惟太上忘了亦不愠喜我輩鍾情人遠遊又萬里擱筆憶鄉園寒梅照溪水

除夕

三百六旬有六日仙人駐景竟無方桃符都爲新年改爆竹爭依舊歲忙斗米折腰仍故我十千沽酒是他鄉山中多少團欒樂老至何心戀綬章

東遊草續

古

乘除相間已愴然此夕何緣又客邊祀竈一家翻兩地思鄉萬里只孤懸博來賓客宜春帖剩有兒童壓歲錢好是明朝堪笑處新年錯認是今年

元日雪學歐蘓禁體詩以白戰不許持寸鐵

分韻得許字

瞻仰昊天乞必與兩雪今朝得如許其日乙丑歲甲寅大有之書可先舉陽和恰及春回時膏澤正當歲旱處窮官沽酒求新詩嘉客分箋償好語心花怒共簷前飛筆露清從鼎上煮韻難頸縮眉如愁書凍手僵指爲拒賦材漫興真尋常禁體戲拈

豈醜齷齪九人間泰岱壽蘇髯天上星辰侶當其
落筆無停思有如俊鶻越平楚我今失步學邯鄲
毋乃製錦廢機杼石田差喜遺來牟蜜餌聊容飽
糗糒當門掃逕惟通車傍沼成山想列嶼更有奢
願人莫知四海一兩不少阻好携我友奇麗篇萬
里縱觀醉醺醺

長白山積雪

迢迢天際雪隱隱出林端已伴宿雲冷又分新月
寒

溪邊

東遊草續

五

緣溪收拾碎瓊瑤春水猶寒雪未消爭似詩人驢
背上垂鞭緩過夕陽橋

遊黃山用壁間韻

咫尺蓬瀛每錯過偶然乘興竟如何笑看雲裏天
花亂醉倚風前玉樹多自信碧山原不負相憐白
雪最難歌倩誰爲我呼康樂奮筆掀然起大波
遊黃山詩萬飛泉趙玉隱董竹溪皆有和作

深愧其意再疊前韻一首

名山昨日偶經過不奈詩成率爾何載去醇醪傾
畧盡歸來好句和偏多雨花天女姍姍下嘯樹仙

人緩緩歌樓上東看滄海近幾時携手寫烟波

賦得門對寒流雪滿山

文相木谷

清溪一曲靜當門門外千峯雪可捫剝喙雙扉無
犬吠寒梅半樹出山村

踈竹蕭蕭憂玉寒溪流倒影碧闌干青山記得曾
行處拄杖今從雪裏看

賦得竹外一枝斜更好

官閣愁吟兩鬢絲梅花幾樹盡開時誰知絕妙青
筠外斜受朝烟只一枝

出門

東遊草續

六

浮雲無時停每逐白日動驅車出城門道左勤相
送風雪凝堅冰十指僵絲控漸覺友朋踈轉於奴
僕共半生長遠遊對此豈不痛感激知已恩艱難
國士用顧視韞上鷹有時放絛縱所貴能樹立功
名安足重歸哉曷月歸開徑延二仲

途中望長白山

遙望長白山千仞隔塵寰雪沒登峯徑仙人尚閉

關

潭西精舍晤桂未谷廣文時未谷暫請假

夫子無爲者蕭然此賦閒新疏泉一道小築屋三

閒辟俗偏鄰市叅禪不閉關匆匆歸太早何日再
追攀

由濟南來張店

遠行窮晝夜日月幾廻環馬上過佳節車中看好
山兒童嗤守拙老大分投閒來往風塵際何能不
厚顏

聞過軒小飲

胡爲勤簿書終年只執掌偶乘半日閒便有天際
想市酒分俸錢沈湎得吾黨大醉傾千尊小飲倒
百盞荷鋤人旣歸掛冠事亦往囊橐多黃金不辭

東遊草續

七

白晝攘茫茫無古今落落此天壤獨有飲酒人斯
技轉不癢但得一日歡已勝百戶賞漉巾髮欲晞
脫帽首爲仰携手入醉鄉悲歌自慙慙上天何高
高憑虛且直上借帝千萬緡酣然脫塵網

還山草堂看杏花

曲江冷落杏花樹夜向草堂乞春雨連宵對牀聽
無聲曉看飛花已入戶穠華不減桃李蹊寂淡却
羞松菊圃何處簫聲上小樓誰家帘影出深塢堪
憐紅白相間開以此醅酣到日午昔日我來初見
花三三兩兩略可數十年風景如昨朝矮屋高枝

互撐柱少年人已驚衰顏花下翩翩集燕羽始信
人老不如花奔走半生枉自苦卽今痛飲莫停杯
明日還山守鄉土

又一絕

一天紅雨到枝頭對酒能忘昨日憂尚憶青青楊
柳外吹簫人上杏花樓

朱枚人邀遊大明湖同歷下諸君子

有水如醅春可遊有酒如湖市可賞惜哉今無杜
陵翁歷下高風亦已逝名山頂上聽雨聲濛濛烟
中但細細忽見練影橫斜飛短長綠楊密於薺歸

東遊草續

六

來却得平陵生爲我早作買舟計湖水初添葦初
生眼底空明少遮蔽鴨雛魚子趁微雨不飛不躍
清淺際同舟賓客都少年文彩風流盡絕世下筆
千言波浪翻居然快帆得風勢衰翁汎若舟不繫
百花七橋自拘泥一詩不成雨已霽船頭船尾空
潏潏回看落日如涼蟾樹底分光上堦現尚欲重
陪北海樽榜人已促理歸柁鳧鷗自向閒人盟舟
楫難從巨川濟祇今何以酬明湖捫句雙扉學緊
閉輪與濟南名士真對客風月任品第

千佛山放歌

胡不登山策怒馬，驟忽巖巒在足下。胡不飲酒盡
大斗，揮霍風雲半。醉後胡爲紛紛起，百感且上空。

東遊草續

尤

亭試一覽渴吞半掬，龍泉甘飽看千尊。佛影淡飄
然跨鶴橫東來，劍光閃爍生風雷。不覺低頭自下
拜，瓊漿乞我三四杯。我願相從海上去，雲爲車馬
風爲御。世間五岳如蟻封，醉臥十洲最深處。蓬萊
清淺行揚塵，回頭笑語塵中人。佞佛求仙無不可，
登山飲酒休吾嗔。

千佛山用蘇字韻

招邀禽向未曾孤，寄興從知與俗殊。山似烟雲蒸
海嶠，人如魚鳥樂江湖。同爲此地支筇客，誰作他
年蠟屐圖。祇惜春深無好雨，言歸何計慰來蘇。

亭亭木末爨烟孤。自覺此間喧寂殊。不礙清吟忙似火。惟嫌好釀淺於湖。癡狂誰與傳風雅。衰老休將入畫圖。冠帶恐妨高臥興。山中祇合計樵蘇。

客至

三年不見故鄉人。名刺才通便可親。細說家常過夜半。翻疑消息未全真。

求雨歌

上天愛人甚。愛雨下民求。天直求父匍匐呼。號得所怙。天如不雨。必天怒下之罪。難擢髮數蒼蒼。何遽不如古。雨日以十風以五。胡爲縱魑如縱虎。頃

東遊草續

三

刻濃雲布大字。霧霈萬里無乾土。老農扶犁式歌舞。嘉禾良苗任携取。不用拮擗治西圃。家家吹簫且擊鼓。準備羔羊賽田祖。田祖有神不我吐。耕牛在野犬在戶。我亦分俸築花塢。賦就新詩醉宿酤。大笑登壇法士賭。咒水禁龍太狂瞽。

和萬飛泉遊燕子洞四首

洞口桃花也自開。添將燕子趁春雷。溪風不肯吹船去。山雨曾容蠟屐來。一夜詩情爭畫壁。十年遊興只銜杯。待歸搜索題名處。又恐青蒼點石苔。百丈赤霞天半開。清溪一曲響風雷。遊人祇爲看

花入詞客多應賦燕來初熟胡麻香作飯新成家
釀玉盈杯羣仙醉後淋漓筆霧結烟飛護碧苔
雲氣嵐光掃欲開猶聽隱隱送輕雷入隣水暖桃
花下我愛山空燕子來宮殿舞鸞臨玉鏡神仙化
鶴擲金杯雙雙讓爾春風剪洞底羣飛啄綠苔
洞天雙扇爲誰開遊客喧騰百里雷燕子年年隨
社至漁郎歲歲問津來溪山無意花千樹劉阮何
心酒一杯聞道英靈今有約門前風雨長莓苔

花山禱雨

會爲秋花此嘯歌今來不復憶烟蘿名山一夜飛

東遊草續

五

春雨好勸農家補種禾

祇恐天高可奈何書空不是苦吟哦好雲休教風
吹去天下蒼生淚眼多

望雨

高枕匡床夢不成槐枝榆葉總相驚道人今夜真
癡醉錯聽風聲是雨聲

北征草

寧州劉大紳

宿齊河答朱枚人

一醉酣眠到五更
牆桑樹底曉鷄鳴
臣心慷慨揮戈日
子舍酸辛捧檄情
濟水東流終不改
華山南望却相驚
秋風秋雨長亭外
爲賦從軍壯北行

景州阻水寄朱枚人

燕山未到已心驚
夜半紛紛痛哭聲
疑有鬼神沈大地
如將風雨撼荒城
居人空自隨流水
客子何由整去旌
此際思君無限意
浮圖高處雁宵征

北征草

中秋後一夜千佛閣看月

中秋夜無月

向夕新晴賦月宜
憑闌水鏡漾淪漪
披開雲霧真空濶
散作烟波更陸離
如此高樓能有幾
何人良夜不相思
依然萬里清光在
莫恨今年望見遲

將出塞留別韋映輝

長灑離筵淚交遊
見此人風濤忘險阻
雨雪勵精神
執政從寬典
明君憶遠臣
歸來應有日
勿

更暗沾巾

塞上

北地風高醉易醺
豪雄意氣欲干雲
縱金直亂雕

鶯陣馳馬橫穿虎豹羣快意大都緣出塞好詩多
半是從軍悵望青塚無由見未及相招月夜魂

贈夏明府

襖被蕭然去國時桑乾河水咽聲遲兒童遮道留
生佛弟子傳經失大師自分荷戈心匪石謾愁攢
鏡鬢如絲車書萬里烽烟靜醉臥沙場只賦詩

贈李遊擊

長城萬里固山河塞外封侯志未磨君自將軍宜
拔戟我原儒士亦揮戈瑠弓月夜驅豺狗毳帳霜
晨載橐駝 聖主恩深無棄物傾囊沽酒且高

北征草

歌

贈崔少府

雄關峻嶺勢嵯峨僕馬蕭條奈若何九品微官無
長物五年異域自悲歌羊裘敝後知寒重馬潼飢
來覺味多記得從前觀政日與君南北限黃河

思家

碧玉峯頭路匪遙錦秋湖上人相招客心兩地都
情重大似春分早晚潮

不辭暮雨共朝烟家在青山綠樹邊行到武陵鄉
縣近桃花春水趁歸船

悵望

層層烟霧隱朝暎悵望東南覓倚門隴上羣羊殘
雪態關前萬馬亂雲痕健兒入塞風猶競村婦當
壚酒正温醉後婆娑三尺劍茫茫何處去酬恩

胡肯堂又同家齡至都中

如此嚴寒日北來君又偕振衣冰亂落拄杖雪深
埋一事愚難及千秋道不乖關山相累久惆悵觸
余懷

宗南華年七十三矣携其孫來都問訊寄此

相去千餘里來時正苦寒扶孫如拄杖諱老自加

北征草

三

餐舉世皆爲易斯人正極難誰憐風雪下白髮寸
心丹

山東諸子歸

諸子東歸曰前途雨雪寒水隨呼吸至人作死生
看自顧殊無異相憐憐不歎卽今三載內豈我獨
休官

夢冉敬軒

相思踰五載入夢是今宵豈爲生魂遠翻勞死友
招投詩經點竄有句類風騷月落關山暗君歸路
亦遙

題夫子亭雜錄後

名士紛紛列若麻尚書聲望自高華少年人已推
才子忌口心猶服大家築室聊將娛老景遺圖曾
與伴歸車殘編載向關山夜幾度焚香月影斜

古夫子亭第一圖爲禹鴻臚筆余曾携歸寧州
今在日照蕭碧畦太史家

聞鐘

月明樓外遠山青百八晨鐘倚枕聽萬事知如殘
夢短一聲能使衆人醒翻疑鐵笛增清怨欲和瑤
琴入杳冥我亦勞勞塵俗客一時心體証虛靈

臘月十五夜對月

北征草

四

城頭勢與遠山平高處先人見月明雪後分光偏
皎潔關前顧影自淒清一年剩有今宵滿萬感都
從此際生隱隱悲笳吹紫塞傷心不獨爲邊聲

歸騎

歸騎難遲柳葉青此行愁見髮星星家鄉萬里神
京遠况過神京八驛亭

雪後看山放歌

我家滇南一萬里作吏三月謫居此客山亦知孤
臣貧且暮相娛變青紫朝來忽見峯巒間積素浮
光虛無裏瓊樓十二城九重拔地千尋去天咫念

昔此地巖關防峻嶺長城勢遶迤丁夫歲暮無完
衣什伍築城城下死關前颺忽風鶴聲未戰先潰
令人耻方今萬國同一家載戢干戈橐弓矢孤臣
雖貧高關眠不荷短兵守空壘興來惟看雪山山
逕欲登臨濕草履日暮且酌村中醪月出再向閣
前倚

入關行

層冰戔戔高插天孤臣已入居庸關午日微茫北
風勁揚鞭大笑開心顏真端氣作白虹吐斯須凝
結髭髯間兩手皴僵項羞縮高張眼孔看峯巒澗
底蜿蜒仄徑出一任百折並千盤盛世功高禹
績遠我皇澤厚湯網寬昔日長城飲馬窟過
之不復悲辛酸便可安驅歷下轍明當穩上黔中
山急返天南告阿母癡兒萬里今生還

北征草

五

余出國門時董孝廉竹溪諄諄規勿作詩素非能
詩者偶然爲之亦復不能自己感孝廉言彌深悚
惶抵居庸關山月清冷對坐終夜欲成一詩援毫
輒止至張家口一夕大醉枕上忽成數詩自此又
時時有作今將歸矣檢囊中草稿抄爲一帙携以
入都將見孝廉謝不敏此亦佛家所謂積習難忘
耳庶幾改之請俟異日乾隆五十九年十一月二
十八日在薊羅蕭臺之左軒寧州劉大紳

